



Vschinauncha da S-chanf

7525 S-chanf



ENGADIN
St. Moritz

Da la suprastanza cumünela

Dumandas da fabrica

La suprastanza aderischa a seguainta dumanda :

- Foura Chagnöls nr. 130, parcella nr. 51, S-chanf, sanaziuns interna e termica, ingrandimaint dal spazi abitabel.

Glista da proget Engadin Arena

Il proget „Engadin Arena“ prevezza, cha l'Engiadina dess gnir inscenida scu arena libra per sport da perseveranza cu eir pel sport da massa. Cun que ho la gruppa da lavur Engadin Arena stipulo ün catalog cun imsüras ed eir ün büdschet a bun stim.

La suprastanza cumünela ho in avuost 2017 sancziuno l'intenziun per l'Engadin Arena. In fratep es gnida tschernida duonna Franziska Preisig scu mnedra da proget tres l'organisaziun dal Engadin Marathon.

Il proget Engadin Arena es gnieu classificcho dal chantun scu fich relevant. Per la realisaziun sustegna il chatun finanzielmaing il proget. La respunsabla dal proget ho elavuro üna glista da proget. Quista glista stu gnir cumpletto da las diversas vschinaunchas. In connex cun quist proget vegn eir fat a Prasüras ün Minihub per velociclists cun ün baunchin d'energia chi ho WLAN ed es capabel da charger sü divers appartas electronics.

Coordinaziun da dumandas da contribuziuns per evenimaints 2019

Tar la fundaziun da la (ESTM AG) Engadin St. Moritz Tourismus AG es gnieu decis, cha'l sustegn per arrandschamaints giaja inavous tar la vschinaunchas. Tenor il messagi da la votaziun dess quella nouv gnir regleda sül s-chelin da las vschinaunchas e las contribuziuns correspondentas gnir büdschettedas i'l preventiv da las vschinaunchas. Tenor la clev da scumaprt regiunel importa l'otezza da las contribuziuns per la vschinauncha da S-chanf fr. 31'000.00 (re-salv l'appruvaziun dal preventiv tres la radunanza cumünela). In futur dess gnir evaluo tres üna gruppa da lavur ils evenimaints ils pü importants e gnir proponieu per ün sustegn pel evenimaint regiunel. La contribuziun finanzia s'amunta totel sün fr. 500'000.00 (per S-chanf ca. 15'000.00). Il scumpart segua tres l'organisaziun turistica. Seguaints arrandschamaints sun gniesu definis da la gruppa da lavur scu « Top-Anlässe » :

- Worldcup duonnas dezember
- Engadin Skimarathon
- Engadiner Sommerlauf
- Festivla da Jazz
- Ice Cricket
- Nomad Design un Kunst Festival (evenimaint da joker)
- Olympia Bob Run
- Origen
- Snow Polo
- Swiss Epic
- White Turf

La suprastanza cumünela fo la proposta da piglier aint La Diagonela ed ils Concours Hippiques (Zuoz, San Murezzan sted e San Murezzan inviern). Impü vegn fat la proposta da piglier our la part culturela e da finanzia quels evenimaints our dal fondo culturel.

Cartaziun pass Chaschauna surdeda da lavuors

Da S-chanf maina üna importanta colliaziun per viandants e velociclists sur il pass da Chaschauna a Livigno. Il pü davos illa Val Chaschauna es la via fich stipa in ün stedi fich mel. La stipüra nun es be pels velociclist üna granda sfida eir per ils viandants as demuossa quista sfida da surmunter ils 400 meters differenza d'otezza. Ils temporels locals faun daspö divers ans grands dans a la via e causa que vegnan chaschunos grands cuosts da mantegnimaunt. Our da quist motiv es gnieu da l'an 2014 creo aint il Masterplan Mountainbike quista ruta cun ün nouv tras-sè. Ils 22 avuost 2017 es gnieu fat cun tuot ils uffizis involvos e cullas organisaziuns per la protecziun da l'ambiant üna inchaminaziun avaunt lö. In quista inchaminaziun es gnieu güdicho cha ün frabricat nouv d'üna via per viandants e velociclists sia in princip realistic.

La vschinauncha da S-chanf es inteziuneda da realiser ils prossems ans da recreer la part da la via manzuneda.

Las lavuors da preperaziun e la lavuors da proget sun gnidas iniziedas. L'incumbenza da fer la registraziun da la documainta da fotografia cun üna drona/profil d'otezza ed üna calculaziun da model es gnieu surdeda a la firma GEOGRISCHA.

Per pudair realiser il proget finel quist utuon voul que üna cartaziun da la vegetaziun dal pass da Chaschauna. La cartaziun vegn surdo da la suprastanza cumünela a la firma Eco Alpin.

Plan da svilup da god

La suprastanza cumünela ho piglio cugnuschtscha dal plan da svilup da god 2018+ dal chantun grischun.

S-chanf, 23 lügl 2018

La suprastanza cumünela